



Conferencia Episcopal Peruana

PERU SUYUNCHISMANTA OBISPUKUNA

“ALLIN KAMACHIKUQQA ALLIN KAUSAYPAQMI KANAN”
(Panchis Francisco yachachasqanmanta)

“PITAQ ÑAUPAQKAYTA MUNAN KHIPAPI KAQ KACHUN,
LLAPANTATAQ KASUCHUN” (Mc.9,35)

Munasqay waykipanaykuna:

Espíritu Santu raymi p'uchaynimpi, Perú suyu kamachikuqta aqllananchis p'unchaypipas, llapan kuraq micheqniykichis, qankunawan kуска purispa, sasa kausay p'unchaukunapi, tukuy sunquykumanta, yuyayniykichista chayayta munayku.

- 1.- Hamuq suqta p'unchau intiraymi (junio) killapi, ñaupaq kaq kamachikuq (presidente republicamanta ninchis) aqllananchis, paymi ñaupaq suyunchispi kamachina kanan. Yuyayniyoqmi kananchis, chay p'unchay allinta yuyayuspa kamachikuqta aqllananchis kunan p'unchayta paqarintapas khawarispa.
- 2.-Apu Dios taytanchista mañakuspa, sumaq yuyayta qowananchispaq, aswan allin kamachikuqta maskananchispaq, chaynaqa allinta wasapananchispaq mana chanin auqa kausayta, waykipanay chiqninakuy, waqcha kayninchista, COVIDonqoymanta amaña unquy kananchista, mana chanin yuyayninchistawan, astawan waqchakunata, warmakunata, machupayata uquqkunatawan llakichin rayku.
- 3.-Mamanchis Iglesia mañawanchis allinta reqsispa, ama mancharispa, sunqunchis uhumanta, ñaupaq kamachikuqta aqllasunchis.
- 4.-Iskay pachaq watata qhispisqanchis yuyarispa ñaupaq kamachikuq aqllaymi kanan, llapanchis kallpachinakunapaq allin kausayta maskhananchis, kamachikuqkuna aqllay, qhispisqa kausay, chanin kausay, kamachikuqkuna ruwananta yupaychay, runa kayta yupaychay, kausayta yupaychay, aylluyninchista yupaychay, sapan kaq khapaq kayninta yupaychay, huq suyukunawan qilqasqata yupaychay, hatun kamachikuq **Constitución** suntimpi qillqasqata yupaychay.
- 5.-Allin aqllayninchiswanmi waqmantan kallpachinanchis, allin kausayninchis, chanin kausay, apunchis Diospi ñiq hina, imaynatan ñaupaq machulanchiskuna kasqanta noqanchispas kausananchis, ama chinkanampaq aswan wiñanampaq.
- 6.-Mamanchis Iglesiaqa, Jesucristo Yayanchis kamachikusqanta hunt'aspa, yachachiwanchis munanakuspa kananchispaq, anchatan chiqnikuspa manachanin cumunistakuna kausayninta, runamasinchista mana allinta munaspa, qispisqa kayninta qhichuspa, kay pachallapi kausayta hina. Kasqanta capitalismotapas runakunata ancha qulqiyoqkuna paykunapaq llank'aqkunaq kallpanwan paykunallan khapaqllanku, tukuy pas allin p'achallata llulla allinta kausay khawarichispa. (“Centesimus Annus” 8).



Conferencia Episcopal Peruana

7.-Hinallataq mamanchis Iglesiaqa cheqinmi auqa runamasinchis wañuchiqa, pipas kachun maymantapas hamuchun (chayta yachachiwanchis Santu Tayta Juan Pablo II “Centesimus Annus” qilqanpi. Satu Papa Benedicto XVI kikillan niwanchis “Caritas in veritate” qillqanpi).

8.-Iglesia mamanchismi qallarin taytanchis Jesucristo sumaq yachachiwanchisqanta, hatun michiqninchis yaya Francisco wakin ubispu michiqkunawan, América, Centro Americanisqata hatun michiqkunawan kuskatapas, chay kamachikuykuna sayarikun allin runa kayninchispi allin kausaytapas.

Chay sumaq kamachikuykuna sayarikun allin runa kayninchismanta, llapa Diospa wawankuna kayta, aswan waqchakunata yanapaspa, munanakuy kausay raurarichispa, ama pitapas qarqosqa kausayta kananpaq.

9.-Mamanchis Iglesia Jesucristo qispichiqmi saqiwashqanchismi ñaupaqpas kunanpas kasqanta llaqtanchis yanapan aswan kay millay onqoy COVID nisqa teqsimuyuntinpi runamasinchis wañuchiqa. Kallpanchispas sumaq suyayninchispas Taytanchis Jesucristomanta hamun, paymi qollananchis, chaymanta hanaqchamanta uraykamun sinchi sumaq kausay kananchispaq (Rikuy Juan 10,10)

10.- Llaqtanchispi kamachikunaqa Perú suyupi allin runakuna kananchispaq, wayqipana hina tiyasunchis, ñaupaqta waqcha kaqkunata khawananchis, kamachikunaqa huñunawanchismi, mana t'aqanawanchischu, manaya sapallanqa pipas allinta kausanmanchu, llapanchismi huq suyulla kanchis, huq yawarllan sunqunchispi sirk'ayninchispipas phawarin, manan pipas chiqniskaqa kananchu.(Tayta Francisco panchis qilqasqanta chayta nin: “Laudato Si, Fratelli Tutti”)

11.-Sapakuti kan Perú suyunchispi kamachikuqkuna allin kausay aqllaninchispaq, llapanchisyá riqch'asqa kananchis, kamachikuqkuna ruasqanta khawaspa, chaynatan mana pipas kausayninchista thuninqachu.

12.- Perú llaqtamasi kaspanmi llapanchis wayqipana hina huñunakunanchis, tukuy sunquywanmi llank'aspa, allin kausayta maskananchis, amayá pipas allin suyayninchista suwawananchischu.

Apu Taytanchis Jesucristo “Señor de los Milagros” sutichisqa, khapaq bendicionninta churawachun, kasqanta paypa maman noqanchispa mamanchis sumaq María waqaychawasun, Santa Rosapas, San Martinpas waqcharuna munakuqkuna noqanchispas allin kausayta Taytanchismanta mañakuchunku.

Lima llaqtapi, aymuray killapi, iskaychunkapisqayuy p'unchaypi